



**ЎЗБЕКИСТОН РЕСПУБЛИКАСИ ИНВЕСТИЦИЯЛАР,
САНОАТ ВА САВДО ВАЗИРИНИНГ
БҮЙРУГИ**

**Маҳсулотларни сертификатлаш қоидаларига
ўзгартириш ва қўшимчалар киритиш тўғрисида**

Ўзбекистон Республикаси Президентининг 2022 йил 26 апрелдаги ПҚ-221-сон “Интеллектуал мулк соҳасини янада ривожлантиришга оид қўшимча чора-тадбирлар тўғрисида”ги қарорига мувофиқ буюраман:

1. Ўзбекистон стандартлаштириш, метрология ва сертификатлаштириш агентлиги бош директорининг 2005 йил 25 февралдаги 59-сон буйруги (рўйхат рақами 1458, 2005 йил 18 март) (Ўзбекистон Республикаси қонун ҳужжатлари тўплами, 2005 й., 10-11-сон, 86-модда) билан тасдиқланган Маҳсулотларни сертификатлаш қоидаларига иловага мувофиқ ўзгартириш ва қўшимчалар киритилсин.

2. Мазкур буйруқ расмий эълон қилинган кундан эътиборан кучга киради.

Вазир



Тошкент ш.
2023 йил 27 апрель,
2023/92-1 сон

Л.Кудратов

Ўзбекистон Республикаси
инвестициялар, саноат ва савдо вазирининг 2023
йил 27 апрелдаги
2023/92-1-сон буйругига

ИЛОВА

**Махсулотларни сертификатлаш қоидаларига
киритилаётган ўзгартериш ва қўшимчалар**

1. Муқаддима қуйидаги таҳрирда баён этилсин:

“Мазкур Қоидалар Ўзбекистон Республикаси Вазирлар Маҳкамасининг 2004 йил 6 июлдаги 318-сон “Махсулотларни сертификатлаштириш тартиботини соддалаштиришга доир қўшимча чоратадбирлар тўғрисида”ти қарорининг 6-бандига мувофиқ ишлаб чиқилган ва Ўзбекистон Республикаси сертификатлаштириш Миллий тизимида (бундан буён матнда Ўз СМТ деб юритилади) республикада ишлаб чиқариладиган ва четдан келтириледиган махсулотни сертификатлаштиришга тайёрлаш ва ўтказишнинг умумий талабларини белгилайди.”.

2. 8-банд қуйидаги мазмундаги “б¹” кичик банд билан тўлдирилсин:

“б¹) интеллектуал мулк обьектларига (товар белгилари, хизмат кўрсатиш белгилари, товар келиб чиқсан жой номлари, географик кўрсаткичлар ва саноат намуналари) (бундан буён матнда ИМО деб юритилади) бўлган ҳукуқларга риоя этилганлигини ўрганиш ва текшириш;”.

3. 10-баннадаги “Ўзстандарт” агентлиги” деган сўзлар “Ўзбекистон Республикаси Инвестициялар, саноат ва савдо вазирлиги ҳузуридаги Ўзбекистон техник жиҳатдан тартибга солиш агентлиги (бундан буён матнда Техник жиҳатдан тартибга солиш агентлиги деб юритилади)” деган сўзлар билан алмаштирилсин.

4. 12-банд қуйидаги мазмундаги тўртинчи хатбоши билан тўлдирилсин:

“махсулотда қўлланилган ИМОга бўлган ҳукуқларни тасдиқловчи тегишли обьект рўйхатдан ўтказилганлиги тўғрисидаги муҳофаза хужжати (гувоҳнома, патент ёки уларга илова) нусхаси ёки ундан фойдаланиш тўғрисидаги лицензия шартномаси нусхаси (амалда бор бўлган тақдирда)=”;

тўртинчи–еттинчи хатбошилар тегишли равишда бешинчи–саккизинчи хатбошилар деб ҳисоблансин.

5. 14-банд қуйидаги мазмундаги тўртинчи хатбоши билан тўлдирилсин:

“махсулотда қўлланилган ИМОга бўлган ҳукуқларни тасдиқловчи тегишли обьект рўйхатдан ўтказилганлиги тўғрисидаги муҳофаза хужжати (гувоҳнома, патент ёки уларга илова) нусхаси ёки ундан фойдаланиш тўғрисидаги лицензия шартномаси нусхаси (амалда бор бўлган тақдирда)=”;

тўртинчи ва бешинчи хатбошилар тегишли равишда бешинчи ва олтинчи хатбошилар деб ҳисоблансин.

6. Куйидаги мазмундаги 17¹ ва 17²-бандлар билан тўлдирилсин:

“17¹. СО томонидан республикада ишлаб чиқариладиган ҳамда четдан келтириледиган

маҳсулотларни сертификатлаштириш жараёнида ИМОга бўлган хукуқларга риоя этилганлигини ўрганиш ва текшириш мазкур Қоидаларнинг 8-иловасида келтирилган схемага мувофиқ амалга оширилади.

Агар маҳсулотни сертификатлаш учун ариза берилганда кўлланилган ИМОга бўлган хукуқларни тасдиқловчи тегишли обьект рўйхатдан ўтказилганлиги тўғрисидаги муҳофаза хужжати (гувохнома, патент ёки уларга илова) нусхаси ёки ундан фойдаланиш тўғрисидаги лицензия шартномаси нусхаси тақдим этилса, бундай маҳсулотларни сертификатлаштириш жараёнида ИМОга бўлган хукуқларга риоя этилганлигини ўрганиш ва текшириш амалга оширилмайди.

17². СО томонидан маҳсулотда ИМОга бўлган хукуқларга риоя этилганлигини ўрганиш ва текшириш даврида қўйидагилар амалга оширилади:

а) маҳсулотни сертификатлаштириш учун аризани кўриб чиқиш, шу жумладан намуналарни идентификация килиш, танлаб олиш ва лабораторияга етказиш жараёнида тегишли маҳсулотда ИМОга бўлган хукуқларга риоя этилганлигини ўрганиш ва текшириш СО томонидан икки иш кунида амалга оширилади. Бунда, сертификатлаштириш синовларини ўтказиш учун танлаб олинган маҳсулот намуналарида (ёрлик ва қадоқларда) кўлланилган белги, ном ва бошқа реквизитлар Ўзбекистон Республикаси Адлия вазирлигининг “Саноат мулки муҳофазаси портали”даги мавжуд маълумотлар билан солиширилади.

б) ўрганиш ва текшириш даврида сертификатлаштириш синовларини ўтказиш учун танлаб олинган маҳсулот намуналарида (ёрлик ва қадоқларда) кўлланилган белги, ном ва бошқа реквизитларда конунчилик хужжатлари билан муҳофаза қилинадиган ИМОлар билан адаштириб юборадиган даражада бир хил ёки айнан ўхшаш бўлган белгилар аниқланса, СО томонидан аризачига асослантирилган рад жавоби берилади.”.

7. 33, 36¹ ва 40-бандлардаги “Ўзстандарт агентлиги” деган сўзлар “Техник жиҳатдан тартибга солиши агентлиги” деган сўзлар билан алмаштирилсин.

8. 70 ва 71-бандлардаги “Ўзстандарт агентлигининг” деган сўзлар “Техник жиҳатдан тартибга солиши агентлигининг” деган сўзлар билан алмаштирилсин.

9. 72-банддаги “Ўзстандарт Агентлиги” деган сўзлар “Техник жиҳатдан тартибга солиши агентлиги” деган сўзлар билан алмаштирилсин.

10. 73-банддаги “Ўзстандарт агентлигига” деган сўзлар “Техник жиҳатдан тартибга солиши агентлигига” деган сўзлар билан алмаштирилсин.

11. 74-банддаги “Ўзстандарт агентлиги” деган сўзлар “Техник жиҳатдан тартибга солиши агентлиги” деган сўзлар билан алмаштирилсин.

12. Мазкур ўзgartериш ва қўшимчаларнинг иловасига мувофиқ таҳрирда 8-илова билан тўлдирилсин.

Маҳсулотларни сертификатлаш
қоидаларига киритилаётган ўзгартириш
ва қўшимчаларга
1-ИЛОВА

“Маҳсулотларни сертификатлаш
қоидаларига
8-ИЛОВА

**Республикада ишлаб чиқарилаётган ҳамда четдан келтириладиган
маҳсулотларни сертификатлаштириш жараёнида ИМОга бўлган
хуқуқларга риоя этилганлигини ўрганиш ва текшириш
СХЕМАСИ**

